

瀛

故

遠海叢書

癸酉秋伯未

張通

潘故序

潘故四卷吾友楊伯馨所著伯馨故有盛京疆域考此則以畸零筆之者也夫周人歌詠或邠或岐比頌鎬洛爲至何者夫鎬洛盛矣就其盛而張皇之固以見詩人忠愛之意由其盛而追溯之詩人所以述古昔詔來茲其意不尤深且遠耶我太祖高皇帝所嘗著履曰靴鞞聞藏盛京大內而后爲帝所製未成之履與所御女紅具亦俱藏焉嗚呼是雖邾鄆之鼎兌之弓和之矢未足云寶蓋保世滋大垂勳無窮夫齊民者家之將興也莫不由於儉勤其衰也莫不由於驕侈方天命之世豈不能備物而高皇帝高皇后之儉之勤若此此亦潘故伯馨之書所識類潘陽故實書因以名雲謂體製雖異猶周人歌詠乎邠岐非緣其旨耶雖然伯馨旣學優而仕矣甄綜宜且輟取所牧又安之然後書其和親康樂安平以獻而吉林又周之有邠即釐爲正羨屬之大司馬抑可賦薄伐玁狁之詩也上元顧雲

潘故目錄

卷一

永陵神樹

滿洲八大姓

八塔山

與京師相去里數

較京師偏東度數

去北極度數

寧遠產煤

鳳凰山

金銀鐵礦

文溯閣書籍

大通溝

輿圖錯誤

細鱗魚

明時城堡墩臺

旗籍名目

古叟石

戶部匾額

本朝開科之始

高麗墓碑

明之馬市

骨灰窖

米價極賤

岫巖石

柳河溝

碑紋

水東瓜

亮木

兵額

取鷓

請安之始

行太僕苑馬

楊博疏論練兵

撫近門蝙蝠

桑由南來

寧遠石坊

溫泉

神竿

景祐宮

牛馬稅魚稅

葫蘆中音樂

九龍口

俗語所本

民食所尙

硝磺

煤窖之數

九彌府

地氣之寒

永陵攔水壩

牧羣

八駿所經

行臺

御甲

卷二

望海島之戰

盜賊之原

五靈脂

明時條陳高麗事宜

鵲居鳩巢

恭送玉牒實錄冊寶

轉蓬

王杲城

建州四境

田賦之目

爬犁

鴉片

松榛有禁

旅順水師

冬青

疊冰如城

廷試遼人之始

樺木樺皮

呈進遺書

鄉會中額

天橋

環海口岸

北鎮廟

海運口在寧遠

山蠶

輝發城

楊槐木廠

老農語

陳夢雷

遼東佟氏

石塔

老民給銀米

國王碑

峭王

如意菜

內府貢菜

馬韓書院

一家村

枯矢之利

錦縣四圍廢堵

燒鍋

將軍石

炮手

古鐵嶺

奉天學額

熱洛河

畫犁

燒荒

煙突

冠婚喪祭之禮

父子繼任

廣寧石坊

卷三

女真小字碑

猴頭磨

堤塔

哈什馬

商人衣冠

葭園

盛京賦

一省二京

萬柳堂

希姓

遼海衛

耕犁

鼎甲

范文肅公

短陌錢

兩大山

通志

十六邊門

篆寶

遼太祖陵

五部設漢員

行宮

營口砲臺

驛站

銅杓鐵鑊

鹿角麀角

瀋陽城隍廟碑

高麗通商

烽火臺

三寶

遼陽海神傳

古石刻

開原銀佛

五榆歌

開礦

漢人得諡

紀遼事書籍

古印

建州

老古洞

海龍城

錦縣牧場

永寧菴碑

同名郡縣

鄉試

龍興

元寶

明邊

銅礮

承德令

卷四

堂子

學校原附永平

九門

蒙古

衛兵

大佛寺

遼河城

黃龍府蓋牟城

搖車

玄菟山

白貂

白豕

老邊

奚車

電線

旅順石刻

香水梨

神穴

鏢膠

吹城

義州

世襲王

古今鹽務

高麗王

察院行臺

跳神

鎖甲

護臘

韓州古鏡

漕運

省城之西即古遼澤

得魏晉遺書

三王一公

專祠

虹螺山影

聖像

火炕

契丹小兒讀書

中庸衍義

顏魯公祭姪稿石刻

大凌河道旁磨崖字

管公屯

看花樓

普濟寺碑

巡撫總兵

明時額兵

任宏嘉

大內尊藏

金玉寂拙軒集

北盟會編所載人物

元遺山集所載人物

目錄終

This image shows a blank ledger page with 12 vertical columns. The columns are separated by thin vertical lines, and the entire page is enclosed in a thick black border. There is no text or data on the page.

--	--	--	--	--	--	--	--	--	--	--	--

潘故卷一

通州楊同桂伯馨輯

永陵神樹

永陵啓運殿後珠丘之前有榆一株高數十丈蔭庇數畝枝幹詰屈狀若神龍樹腰有瘻數百土人云每逢國忌瘻則隕其一同治七年樹被風吹倒今倒樹上又生小樹一株直立如旗生生不已於以下億萬年有道之長矣相傳京師西山潭柘寺有帝王樹一株每一帝

即位樹必生嫩枝

純廟有御製永陵神樹賦見皇朝通志

滿洲八大姓

世傳以瓜爾佳氏鈕鈷祿氏舒穆祿氏納蘭女

喇即納

董鄂氏

鄂即棟

輝

發氏烏喇氏伊爾根覺羅氏馬佳氏爲滿洲八大家按瓜爾佳鈕鈷祿舒穆祿爲金之舊姓俱見金史董鄂輝發烏喇馬佳乃以地爲氏董鄂在今興京境烏喇在今吉林境輝發在今海龍吉林交界處而

哈達烏喇輝發三國其先又均姓納蘭即納喇唯伊爾根覺羅未詳所始又鐵冶亭尙書即董鄂大姓也據稱其先爲宋英宗越王裔後爲金人置之董鄂遂以地爲氏可見滿洲世家中亦多係中原舊族云

八塔山

八塔山在寧遠西南上有八小塔

與京師相去里數

京師與盛京相去之里數京師距地北極五十度五分爲一邊盛京距地北極四十八度九分爲一邊偏度七度一十五分爲所夾之角兩邊相並九十八度一十四分爲總弧餘弦一四二二二兩邊相減一度五十六分爲存弧餘弦九九九四二併之一零二二三七四折半五零六八七與角之矢八零零相乘爲實半經十萬爲法餘之四零五爲對弧存弧兩矢較以較加存弧矢五八爲四六三即所求對弧矢以矢減半經爲餘弦九九五三七查表五度三十一分以五度三十

一分化里得一千三百八十里爲盛京距京師衰望之實里數考驛程一千四百四十五里蓋或經或紆故多六十五里也

較京師偏東度數

盛京較京師偏東七度十五分凡偏東一度遲時之四分共遲一刻十四分

去北極度數

京師北極高三十九度五十五分盛京北極高四十一度五十一分以緯度絜之盛京去北極較京師近三百八十六里

寧遠產煤

寧遠一帶山多產煤乾隆十年和其衷奏請開採

前漢地志豫章郡出石可燃爲薪東

坡集有石炭行即今之煤也

鳳凰山

在鳳凰城南十里四面陡絕從口入其內極平坦古松成林禾黍彌

望周約三二十里可供萬人食土人相傳唐蓋蘇文屯兵處

金銀鐵礦

盛京倚山面海物產殷阜如遼陽之黃波羅峪開原之牧養正綿州之大悲嶺寬甸之小花石海龍之大荒溝蛟河等處均有金銀鐵礦雍正五年將軍噶爾弼疏請封禁不僅爲培養土脈起見也然與私採徒飽奸民曷若因勢利導於餉需不無裨益

文溯閣書籍

文溯閣在大內西偏真文淵文潤等閣均仿范氏天一閣之製四庫全書並圖書集成五千二百卷在焉下一層儲圖書集成及四庫書之經部中層儲史部上層儲子集部其目錄亦安設下層檢閱之法有分架圖極爲簡便經部二十架九百六十函史部三十三架一千五百八十四函子部二十二架一千五百八十四函集部二十八架二千十六函共三千四百七十部七萬五千八百九十六卷俱係寫

本

大通溝

今之通化縣俗所稱大通溝也百餘年來爲奸宄逋逃藪官吏視爲甌脫無復過而問者自光緒元年用兵後鋤非其種今已爲耕藝之鄉大通溝卽古沸流谷

輿圖錯誤

胡文忠公一統輿圖夙推詳核而盛京東邊以外至鴨綠江岸開方不過二百里則未能盡合蓋自國家定鼎燕京盛京東表地遂廢爲甌脫雖帽兒山等處曾設台兵住瞭而道里鮮有知者今帽兒山分司東出至柳邊且五百餘里其北境羣峰聳峙人跡罕通且逼近江岸與朝鮮鄰明季毛文龍由鴨綠江沂流直上窺我東鄙曾至輝發境然則屯戍之設在前聖固有深慮存也

細鱗魚

詩義疏魴廣而薄肥恬而少力細鱗魚之美者遼東梁水魴特肥而厚尤美於中國魴故其鄉語曰居就糧梁水魴按梁水即今之太子河魴即俗稱細鱗白者也

明時城堡墩臺

武備志載遼東城堡二百七十九座空心敵臺三十一座邊腹敵臺九十座墩臺二千七百一十座其布置非不周密也其如在德不在險何

旗籍名目

盛京所屬旗籍名目繁多滿蒙漢八旗內務府以外有巴爾虎有錫伯有卦勒察有索倫有達瑚爾又有隸戶部者隸禮部者隸工部者皆不膺披甲之役而邊台驛站三項不準考試居官

古叟石

海城東南析木城即古析木縣有大石孤立高逾數丈上方而闊四

無倚傍土人名曰古叟石不知何據

戶部匾額

盛京戶部衙門匾額題大金天聰六年所立撫近門即東門磚額鐘樓

上石碑均大金年號至今仍之

本朝開科之始

天聰八年四月取通滿洲蒙古漢文文義者剛林等十六人為舉人

此國朝開科之始

高麗墓碑碑高今尺十五尺五寸每行四十一字在懷仁縣通溝口

惟昔始祖鄒牟王之創基也出自北夫餘天帝之子母河伯女郎剖

卵降出生子有聖德鄒牟王奉母命駕巡車南下路由夫餘奄利大

水王臨津言曰我是皇天之子母河伯女郎鄒牟王為木連菽浮龜

應聲即為連菽浮龜然後造渡於沸流谷忽本西城山上而建都焉

永樂卅位天遣黃龍來下匣王王於忽本東出黃龍負昇天願命世

子儒留王以道與治大朱留王紹承基業四傳至十七世孫國置上

廣開土境平安好太王二九登祚號為永樂太王恩澤洽于皇天威

武桺被四海掃除□□庶寧其業國富民殷五穀豐熟昊天不弔卅

有九宴駕棄國以甲寅年九月廿九日乙酉遷就山陵於是立碑銘

記勳績以永後世焉其詞曰維昔永樂五年歲在乙未王以礪麗不

貢整旅躬率往討叵富山迎至鹽水上破其丘部徂六七百獲牛

馬兼羊不可稱數於是旋駕因過琴平道東來即自力城北還王獲

旗遊觀土境田獵而還百殘新羅舊是屬民由來朝貢而倭以辛卯

年來渡海破百殘隨破新羅以為臣民以六年丙申王躬率水軍討

利殘國軍以到首攻取壹八城白模盧城谷上利城餘韓弓利城利

城閣彌城牟盧城彌沙城古舍蔦城阿旦城古利城困利城雜彌城

奧利城勾牟城古須龍羅城頁負山城味城家古龍羅城易城就谷

城禹山城沙水城古八船以上利城彌鄒城也利城太山韓城掃加

城巴奴城輔呂城農賣城新城餘城口松城細城牟婁城弓婁城蘇

灰城燕婁城析支利城巖門至城林城口口盛婁城婁利城南蘇城

就鄒城奴利城古牟婁城古牟婁城那旦抄本閏奴城貫奴城彡穰城炅

舍盧城交城鴨岑城仇夫城豆奴城其國城賊不服氣敢出交戰王

威赫怒渡師被水遣刺迫城橫攻賊退急圍其城百殘王困遣使獻

男女生白一千人細布千匹歸王自誓從今以後永為奴客太王恩

赦始迷之銜錄其後順之誠於是拔五十八城村七百將殘王弟並

大臣十人旋師還都八年戊戌教遣偏師觀帛慎土谷因便抄得莫

新羅城加太羅谷男女三百餘人自此以來朝貢謹事九年己亥百

殘違誓與倭和通王巡下平穰而新羅遣使白王云倭人滿其國境

潰破城池以奴客為民歸王請命太王前稱其忠遣遣新羅使還

國太王於十年庚子教遣步騎五萬往救新羅從男居城至新羅城

倭滿其中官兵方至倭賊退官兵由新羅躡踵追來奮疾追至古龍

背息任那

加羅從拔城城即歸服安羅人戍兵拔新羅城盡城倭滿潰城大肆

殺戮盡人請救官兵復追倭倭敗死者十九盡臣順大安羅人戍兵

城復盡城掃其煙塵林木燒燬無餘以上官兵移師百殘圍其城百

西面

殘王懼復遣使獻五尺珊瑚樹三株紅石筆牀一他倍前質其子勾

擊太王率步騎還國安羅人戍兵昔新羅安錦未有自來朝貢感國

置上廣開土境好太王救拔恩安羅王隨自僕勾親來獻物朝貢十

四年甲辰而倭不軌侵入帶方界太王率兵自石城島連船渡海迅

抵帶方倭退追至勾滿城然後相遇王慎自歲濫刺倭寇潰敗斬殺

無數十七年丁未教遣步騎五萬掃邊倭寇官兵追過平穰直至台

戰斬殺蕩盡所獲鎧鉀一萬餘領軍資器械不可稱數還破沙湍城

婁城還住東就城淨掃餘寇師旋還廿年庚戌東夫餘舊是鄒牟王

屬民中叛不貢王躬率往討軍到餘城而餘城國駢首歸服王赦宥

均追念王恩普慶於是旋還又其慕化隨官來者味仇婁鴨盧單斯

均追念王恩普慶於是旋還又其慕化隨官來者味仇婁鴨盧單斯

麻威鴨盧端立新婁鴨盧肅斯滄遠近率服太 王着凡所攻破城六十四

村一千四百守基人烟戶賣句余民國烟二看烟三五東海賈國烟三

看烟五韓城十四家盡為看烟丐城一家為看烟碑利城二家為國

烟平穰城民國烟一看烟十些連二家為看烟住婁人國烟一看烟

卅二忽谷二家為看烟梁忍城二家為看烟安失連廿韓二家為看烟

改谷三家為看烟新城三家為看烟南蘇城一家為國烟新來韓穢

沙水城國烟一看烟一牟婁城二家為看烟互比鴨岑韓五家為看

烟勾牟客頭二家為看烟朮民韓一家為看烟舍蔦城韓穢國烟三

看烟廿一家古龍羅城一家為看烟昺古城國烟一看烟三客賢韓

一家為看烟阿旦城雜珍城合七家為看烟巴奴城韓九家為看烟

若模盧城四家為看烟古模盧城二家為看烟牟水城三家為看烟

輔呂利城國烟一看烟五彌沙城國烟一看烟以上北面一□□□七□

利城三家為看烟豆奴城國烟一看烟二奧利城國烟二看烟八須

鄒城國烟二看烟五百殘南居韓國烟一看烟五太山韓城六家爲
看烟農賣城國烟一看烟一閩奴城國烟二都烟廿二古牟婁城國
烟二看烟八瑒城國烟一看烟八味城六家爲看烟就谷城五家爲
看烟多穰城廿四家爲看烟散那城一家爲國烟那旦城一家爲看
烟勾牟城一家爲看烟於利城八家爲看烟比利城三家爲看烟細
城三家爲看烟國罽上廣開土境好太王存時教言祖王先王但教
取遠近舊民守墓洒掃吾慮舊民轉當羸劣若吾萬年之後安守基
者但取吾躬率所略來韓穢令備洒掃言教如此是以如教令取韓
穢二百廿家慮其不知法則復取舊民一百十家合新舊守墓戶國
烟卅看烟三百都合三百卅家自上祖先王以來墓上不安石碑致
使守墓人烟戶羌錯維國罽上廣開土境好太王盡爲祖先王墓上
立碑銘其烟戶不令羌錯又制守墓人自今以後不得更相轉賣雖
有富足之者亦不得擅買其有違令賣者刑之買人制令守墓人

上以

東面
凡照鈔本補注者列右照
石刻形似補注者列左

按高勾驪自後漢書始有傳然陳壽著三國志在范蔚宗先碑所稱
天帝之子一段陳志不載裴松之引魏略注於夫餘傳後作豪離國
之子至范書乃入夫餘傳正文第皆作東明事迨魏收北魏書令狐
德棻周書始載入高勾驪傳爲朱蒙事矣李延壽北史既於高勾驪
傳作朱蒙又於百濟傳引後漢書東明一段不知是固一人一事朱
蒙東明特音譯沿訛耳如三國志之施掩水後漢書之掩澆水北史
之掩滯水碑作淹利水史之如栗碑作儒留史之莫來碑作大朱留
似當以碑爲正唯朱留以下十七世碑既不詳史亦脫略今參考諸
史列表以補所缺 又此碑以史推之當係王安之墓且碑文國岡
土一句前後三見惟前一段好太王三字上有平安二字則平安當
是王名國岡上廣開土境云云當是彼時尊號至碑之百殘疑係百
濟或以戕害王釗之故惡而改之如高勾驪之改下勾驪歟考次其

系如左

王朱蒙北魏書至紇升骨城號曰高勾驪因以為氏朱蒙死子閻達

立閻達死子如栗立

與碑不合必係傳聞之誤

唐總章二年伐高麗祕記不及

九百年有八十大將滅高氏自漢有國今九百年云云以此推之

朱蒙當興於漢初

東藩紀要以為元年即漢元帝建昭二年者非

王如栗北史朱蒙死子如栗立

朝鮮史略朱蒙子類利與碑之儒留皆音之轉

王莫來北魏書如栗死子莫來立周書莫來漸盛擊夫餘而臣之

史略

作太神武王名無恤琉璃王太子

王某漢書武帝滅朝鮮置四郡以高勾驪為玄菟郡屬縣

王某文獻通考昭帝賜以衣幘從玄菟郡受之

王某

王某

王驕後漢書王莽初發勾驪兵以伐匈奴其人不欲行莽將嚴尤誘

勾驪侯駒斬之莽更高勾驪王爲下勾驪侯三國志駒作駒

王某紀要曰慕本王名解憂大神武太子元年即漢光武建武二十四年戊申

王宮文獻通考和帝時寇遼東耿夔擊破之三國志後漢殤安之間

宮數寇遼東後漢書建光元年宮率馬韓穢貊圍玄菟夫餘王子

與州郡討破之是歲宮死子遂成立紀要曰太祖王爲琉璃王之孫元年即光武二十九年癸

丑在位九十二年

王遂成後漢書姚光上言欲因其喪伐之以陳忠言乃遣弔問建光

二年詣玄菟降遂成死子伯固立三國志北史無遂成一代紀要曰次

大王爲太祖王之弟元年即質帝本初元年丙戌

王伯固後漢書伯固立後穢貊率服東陞少事順帝陽嘉元年置玄

菟郡屯田六部三國志熹平中乞屬玄菟公孫度時助度擊富山

賊北史但固死子伊夷模立紀要曰新大王爲次大王之弟元年即桓帝延熹八年乙巳

王伊夷模北史建安中公孫康擊之破其國乃更作新國即九伊夷

模死子位宮立

王位宮三國志北史云似其曾祖宮故名據此不列魏景初二年位

宮助公孫淵正始五年卍邱儉討位宮大戰於沸流敗之登丸都

六年儉復討之位宮奔沃沮六年梁書作

王某通典百濟新羅魏以後分三韓地當在此王時紀要曰中川王

太子元年即漢後帝延熙十一年戊辰

王某紀要曰西川王名藥盧中川王二

王某紀要曰燁上王名相夫西川王太

王乙弗利梁書北史位宮玄孫乙弗利頻寇遼東慕容廆不能制弗

利死子釗立紀要曰美川王名

王釗梁書作劉訛隋書稱昭烈帝梁書晉康帝建元元年北史作成

年慕榮戮伐之大破釗軍追至丸都毀其城晉武帝太元十年勾

麗攻遼東釗後為百濟所殺紀要曰故國原王元年即晉成帝咸

國壤王二代共二十一
年與史不合故不取

王安梁書北史後燕慕容垂死子寶立以勾驪王安爲平州牧按寶立只一年而亡在晉太元二十一年之際則釗後即爲王安無疑又按寶立之年係屬丙申與碑中之六年支干相合且自莫來之後至此不過四百餘年則十七世之數亦不相遠以碑之歲月與史相證則安當立於太元十六年辛未當卒于義熙八年壬子又文獻通考宋昇明二年倭人表稱昔祖禰東征西服渡平海北各國累葉朝宗道逕百濟裝飾船舫而勾驪無道掠抄邊吏虔劉不已云云自昇明前溯義熙六十餘年表所言渡平各國當即碑中倭渡海破百殘隨破新羅以爲臣民事

明之馬市

明成祖永樂三年因福餘衛部內屬設遼東開原

在其南
在其東

廣寧馬

市各去城四十里正統間已罷其二惟開原之南關市獨存至成化

十四年因巡撫陳鉞言復開立馬市三處曰鎮北關曰撫順關曰白土廠關廣輿記稱一設開原城南一設撫順一設廣寧古城堡嘉靖間改慶雲堡

骨灰窖

省城大東邊門外近爲車軌軋露骨灰數窖殆皆天命六年三月之戰故明壯士骸也

米價極賤

雍正七年盛京將軍奏小米一斗價三分豆一斗價一分二釐伊古以來所罕有也

岫巖石

岫巖石可以製器五色俱備錦州府舊亦產石質極明透有山川草木紋今則罕見爾雅醫巫閭之珣玕琪或即此物

柳河溝

柳河溝源出敖漢旗由彰武台邊門西入邊在新民廳西二十里轉徙無常大爲行旅居民害推原其故蓋下游地勢甚高不能直入於海二百年來竟無人議及疏濬何哉

碑紋

福陵聖德碑背面石紋作觀世音菩薩像左手持柳枝斜垂於右昭陵聖德碑背面石紋作漢壽亭侯立像並神氣如活天地鍾毓之靈爲興王特開其奇非偶然也又海城南古耀州廟內有古碑二其一碑石紋作韋馱像

水東瓜木

水東瓜木即柎柳堅實可爲硯曾作井架者尤佳

亮木

圍場中多古木其朽者夜放光如螢火然遇雨益明土人呼爲亮木

兵額

盛京將軍所屬協佐至領催凡額設馬兵一萬三千餘名步兵一千五百七十餘名水師五百四十名以之禦侮折衝足供調遣果一切如初制則滿萬不可敵今豈不如古乎

取鵬

金州廳旅順口一帶有鵬廠數十座取供京師以備羽扇箭翎之用其取之之法養馴鵬名爲絲鵬飛極高絲見之輒呼叫鵬盤旋空中久之始下恐人之有機心也取鵬者置絲於側蹲伏土穴中伺其下而舉網焉百不失一其品色黑者曰皂鵬黑而花者曰虎斑鵬黑白相間者曰接白鵬其黑點如洒淡墨者曰芝蔴鵬品之尤貴者曰海東青海東青身小而俊其白者故又名玉爪駿云海青一種向出女真遼時歲徵其貢每春巴納於鴨子河灤望有天鵝處舉旗馳報遠泊鳴鼓鵝驚騰起左右圍騎皆舉幟麾之乃放海青擒鵝得頭鵝以薦寢廟當時海青用以取鵝然遼以徵貢釀蚌可見此物之不易得

也今每歲所獲不過一二故一扇之費需數十金

請安之始

後漢書高勾驪傳拜曳一脚以爲禮即今日請安之濫觴

行太僕苑馬

歸有光馬政志遼東山西陝西有行太僕遼東陝西又有苑馬遼東苑馬則有永寧監清河苑深河苑按續文獻通考言弘治十六年修遼東復州苑馬寺於開原撫順二處各立馬廠從巡撫張鼎言也

楊博疏論練兵

明雷禮列卿紀楊博嘉靖中總督薊遼疏論練主兵爲根本調客兵爲權宜兵不在增而在練馬不在加而在養乞督邊臣以圖實效云云可爲洞達事機之論不僅邊臣所當圖也

淵鑑類函一百八卷所引

撫近門蝙蝠

省城撫近門內棲蝙蝠以千萬計而他處則無亦一奇也

桑由南來

後燕錄初甝之遷於龍城也植松爲社主及秦滅燕大風吹折後數
年社忽有桑二根生焉先是遼川無桑及虜通於晉求種江南故遼
川之桑悉由吳來

甯遠石坊

甯遠城內南街有石碑坊二上鐫五世元戎少傅六大字而歷敘祖
大弼祖大樂等祖孫父子勛閥

溫泉

遼陽東南之湯溝小甸子海城南之湯岡子甯遠城東十里之某處
蓋平城南之鶯哥嶺均有溫泉唯海城甯遠二處築室其上沐浴者
絡繹不絕或云坐湯可以却病

神竿

滿洲旗人門內皆豎神竿長丈餘頂冠錫盤有竿頂作圓月形者十

數家云係天聰年間送瑪哈噶喇佛前來因而留此者故自爲區別
今實勝寺所奉即其佛也或云蒙古族皆然

景祐宮

今省城景祐宮即明監軍道張泰字先生春挺節訓徒處范忠貞寧文成皆出其門國人稱張夫子

牛馬稅魚稅

各州縣皆有牛馬牲畜稅務盛京省城係五部侍郎相代監收按年請旨簡派至魚稅唯省城有之係肅邸收取自國初至今相沿不改

葫蘆中音樂

康熙中禮邸莊頭某家結一巨葫蘆中有音樂聲昇至京師隨獻於仁廟聞此物已殉景陵見嘯亭雜錄

九龍口

海龍城東北二里許山名九龍口山間古塚一自廳屬未墾之先盜

已發之跡其規制似是王侯今所存者斷瓦零磚刻劃極細緻予得掛磚一小方作垂雲花樣

俗語所本

盛京俗語亦有所本者以迅速爲鯽溜見田汝成委巷叢談以勇健

爲操刺

操音如查呵切

見五代史漢本紀此都軍甚操刺以伏雞曰抱雞

抱按

韓詩作苞荐孟郊詩豨翎不天生變化在啄苞

見方言北燕朝鮮冽水之間謂伏雞曰抱也

以無用爲不中見禮記王制不好曰不濟見周語民所曹好鮮其不濟也不可曰不中見左傳成二年無能爲役注作事曰勾當見唐書第五琦傳勾當江淮租庸不做聲不做氣見朱子語錄稱人名字上加老字見東坡詩老可能爲竹寫真曾使老謙名不朽是也

民食所尙

民食所尙曰高粱曰秫米然實名蜀黍非梁與秫也廣志所稱遼東赤梁者今不知爲何物今所食者即齊民要術所謂蜀秫春月種宜

用下土莖高丈餘穗大如帚其粒黑如漆如蛤眼熟時收刈成束攢而立之其子作米可食其莖可作洗帚稽稈可以織箔編席夾籬供爨者也又有玉蜀米即本草綱目所謂六七月開花成穗如秕麥狀苗心別出一苞如梭魚形苞上出白鬚垂久則苞拆子出攢簇如梭子黃白色可煤炒食之者

硝磺

當今尙火器硝磺爲火藥要需硝可隨處掃取然唯省城設官硝局磺則岫巖山間有之可以燒煉

地名窟
隴山

煤窰之數

八 煤窰共六十二座在遼陽州境者二十九復州境十五錦州府境十

九 獮府

明成化年間用兵征建州勅朝鮮王助兵朝鮮遣將康純統衆萬餘

渡鴨綠潑猪二江攻破九獮府諸寨九獮之名前史所無當在今興
京海龍一帶

地氣之寒

金史食貨志上京遼東等處地寒稼穡遲熟夏稅限以七月今天道
北行藝穫之節與燕齊不甚相遠然極寒時地仍裂爲深縫人面一
凍如被湯火成紫泡古人隳指裂膚之說不爲過也惟民無蓋藏一
遇偏災若汲汲不可終日而海龍一帶又不得仰邀蠲緩之澤

原議以本

地所出供本地所需關心民瘼者宜亟變通也

永陵攔水壩

永陵前攔水壩乃福建總督高其倬審視定議平郡王等奉旨所修
每年夏初必派旗民地方官會同工部司員保護秋後稟覆有無沖
刷應修情形

牧羣

盛京所屬牧羣二蘇魯克即養息所牧者牛羊也大凌河所牧者馬

匹也其馬計三十四羣羣每三年大均羣一次每羣馬四百匹共一

萬三千餘匹足備折衝之用前聖人之慮深且遠矣

八駿所經

山海經大荒北經不咸山條下云有人名曰大人有大人之國釐姓黍食按穆天子傳周歷四荒曾東升大人之堂是今盛京亦八駿所經矣

行臺

金太祖七年置中書省樞密院於廣寧天會初始移置平州此金立行臺之始

御甲

太祖太宗所御之甲儲藏陪都者長如今人一身有半令今人極長者立交椅上比試猶下與地齊也

潘故卷一

藩故卷二

通州楊同桂伯馨輯

望海塢之戰

明劉江

即劉榮

於永樂十五六年間充兵官鎮遼東海賊數擾海上北

抵遼南迄浙閩瀕海郡邑多被害江度形勢請於金綫島西北望海塢築城堡設烽堠嚴兵以待十七年六月瞭者言東南海島中舉火江急引兵赴塢上賊三十餘舟至泊馬雄島登岸奔望海塢江依山設伏別遣將斷其歸路以步卒迎戰佯怯賊入伏中礮舉伏起自辰至酉大破賊賊走櫻桃園空堡中江開西壁縱之走復分兩路夾擊盡覆之斬首千餘級生擒百三十人自是賊大創不敢再擾

盜賊之原

盜之原由於博奉省賭風大熾甚至明目張膽於城市開設吏役受其賄者即不復過問名色至不一所最爲人害者花會其尤也花會

其門三十六贏者利倍三十故趨之如鶩往往敗產傾生而不悔其踪跡詭密多在空山無人處爲之綫索者曰跑封每開場時鎗礮如林圍護甚密又復廣布耳目一有動靜輒先知是非布人於局中而託爲往賭者未易成禽也

五靈脂

五靈脂即號寒雀糞東邊一帶山中皆有之一名獨春一名號寒蟲在詩曰蓋旦夜鳴求旦之鳥也鳴聲似春形似雞五色冬無毛赤保晝夜鳴不息人謂其夏之鳴曰鳳凰不如我冬夜嚴寒則曰天明壘箇窩天明微暖則曰得過且過尋聲會意即物警人以盛京編氓之衆土地之廣一年耕耨之入僅備終歲之需稍有贏餘則盡數賣之不復知三年九年之蓄數千里之中求其家有蓋藏者不數數觀而所謂常平義社諸倉又復無人議及聆得過且過之聲能勿爲之深長思乎

明時條陳高麗事宜

朝鮮爲盛京屏障唇嚴則齒固保朝鮮即以衛盛京明時有條陳高麗七事一練兵士麗人鷲悍耐寒苦而長衫大袖訓練無方宜以束伍之法教之一守衝要朝鮮三面距海釜山與對馬相望巨齊次之宜各守以重兵並尉山開山等處皆宜戍守一修險隘王京北倚叢山南環滄海忠州左右烏竹二嶺羊腸繞曲有一夫當關之險今營壘遺址尙存亟宜修葺一建城池朝鮮八道十九無城平壤西北鴉湏二江俱南通海皆應修築屯聚一造器械以船制重大不利攻擊今准福曉造百十艘爲奇兵並添造神機百子大箭一訪異材朝鮮貴世官賤世役一切禁錮宜破格搜採一修內治國家東南臨海以登旅爲門戶鎮江爲咽喉應援之兵不宜盡撤我自固亦所亦固朝鮮也按此策乃朝鮮亂定以後之議雖今昔情形不同要當及時通變者也

鵲居鳩巢

維鵲有巢維鳩居之以鵲靈而鳩拙也乃盛京東北各路則鵲不能巢而奪鳩之居余見之頗以為異豈地氣然歟抑偶然歟

恭送玉牒實錄冊寶

凡恭上列聖列后冊寶必齎送盛京大內尊藏實錄玉牒修竟亦如之向例俱係單行其實錄冊寶併為一次自咸豐三年始同治六年

光緒六年實錄玉牒聖容皆併為一次恭送矣

咸豐三年併行之舉係御史李鶴年密奏

允行

轉蓬

陳長方步里客談曰古人多用轉蓬竟不知何物林公使遼見蓬花枝葉相屬團圞在地遺風即轉問之云轉蓬也按蓬草到處有之邊地土淺風高每狂風輒拔草根出隨風旋轉故觀者尤易興感

遼時有

蓬蓬歌每扣鼓和棹蓬蓬之音為節而舞人多喜而效之劉子京詩云蓬自古黃沙理皓齒不堪重唱蓬蓬歌則上蓬字實作去聲今市井

沿淫詞有而辨辨者殆
古名而轉音歟

王杲城

明黃石齋先生博物典彙云我景祖宣皇帝有膽略直建州都指揮
王杲誘殺明清河守將裴承祖等屢為邊患總兵李成梁不能制乃
乞宣皇帝率兵討杲往返八日擒之成梁相宣皇帝狀貌不類常人
詭請臨視火攻陰設反機致宣皇帝遇害時高皇帝方四歲成梁不
能掩宣皇帝之功哭之盡哀迎高皇帝及帝弟厚致餼養高皇帝稍
長讀書有謀略十六歲始出之建地此即俗傳高皇帝育於李氏所
由來也按今開原東南九十里清河溝平岡上有舊城址土人猶呼
為王杲城

建州四境

又云建州二面臨河一面阻山以磚石包砌重城其地界南臨朝鮮
義州西鄰長甸永甸寬甸新甸鬩陽孤山一堵牆瑪哈丹撫安柴河

清河撫順北有白石山混同江黑龍江此可見龍興之初幅員已廣按鄭曉今言以今興京爲張其哈喇甸子

田賦之目

盛京田賦之目內倉內務府所收皆公田也莊頭交納者王產也旗人民人恒產各由該管分徵若新民廣寧義州錦縣寧遠遼陽海城蓋平復州金州岫巖興京鳳凰等處是也東邊新設之安東寬甸懷仁通化等處本無旗圈地故徵賦一歸於州縣昌圖府所屬之懷德等縣則借佃蒙古之田故徵賦歸於蒙古唯海龍廳亦無旗圈而徵賦則旗員主之

爬犁

爬犁之制如車而不施輪轂駕以牛馬行雪地甚速冬日以之運糧極爲捷便聞吉林以北有駕犬者閒檢元劉郁西使記云至麻阿中以馬牽拖牀遞舖負重而行疾或曰乞里乞四易馬以犬云云乃知

其制由來已久元史志載黃龍府以北設狗站八十餘所殆亦此物也

鴉片

自鴉片入中國朱提之流入外洋不可以數計奉省東邊一帶霜降最早種植五穀每不如鴛粟之豐收有司往往懸爲厲禁愚以爲斬絞之例既不可行則以中土所出仍供中土之用朱提外流庶少節乎

松榛有禁

明初法令嚴酷雖松榛亦不得入邊洪武三十年七月以郭駙馬使遼回私帶榛子三十扛沿途擅用驛夫遞送事覺令自備鈔貫給還役人工食仍飭兵部於山海關旅順口等處榜示凡公差人員不得以松榛等物進口渡海違者一二斤三五兩俱分屍所過官司縱容者一體治罪

旅順水師

旅順之設水師蓋自明萬曆三十年始撫臣趙楫言金復海蓋爲全遼之心腹復州參將金州守備原爲海防而設惟黃骨島旅順二衛海口設兵單弱請以山東游擊統水師千餘留駐旅順國朝自康熙五十年奏設由金州招安民壯內挑選四百七十名編爲兵丁又由投降海盜陳尙義張可達等挑選熟諳水性掌舵者三十名作爲教習由登州撥戰船十隻

冬青

冬青生不擇樹而榆柳爲尤多且有一樹至十數者遠望之如鵲巢纍纍山陵省會穠郁青葱王氣所鍾非偶然也其葉如石榴如棗無筋膜且加厚焉子如槐實具紅黃二色或云即女貞子者非是說見欽定續通志

疊冰如城

元太尉納克楚侵明遼陽復越蓋州趨金州不克而還以蓋州有備不敢經其城乃由城南十里沿柞河歸時指揮葉旺策其將退移兵河上天方寒雪旺自連雲島至窟駝塞十餘處緣河疊冰爲城以水淋之經宿皆凝洄隱然爲城又預藏釘板於山中設陷馬阱於平地伏兵以待命老弱捲旗登山戒以聞警即豎之已而納克楚至砲響伏兵四起賊避旗幟不敢犯奪路走皆陷入阱中途大潰納克楚僅以身免

廷試遼人之始

順治十年六月廷試歸旗遼人柯汝芝等六十九名上上卷授知縣上卷通判此蓋漢軍廷試之始

樺木樺皮

興京樺木皮堪爲燠皮上有黑紫花勻者以裹鞍鐙及弓把謂之煖皮其木可作箭桿其癭可製器尤爲華美白樺皮可揭至十餘層薄

如通草可以代紙

呈進遺書

乾隆三十七年令直省督撫學政搜訪遺書於是開四庫全書館計內務府所藏暨各省所進十六萬八千餘冊以浙江兩淮所進爲最多奉天府尹採進者祇東易問春秋管見二種皆魏樞所撰樞字又弼一字慎齋承德人雍正庚戌進士官永平府學教授乾隆元年薦舉博學鴻詞未及試而卒國朝兩次特科盛京膺薦者祇此一人盛京通志即樞所修

鄉會中額

金之府會試蓋即今鄉試上京咸平路均試於遼陽十人取一今盛京鄉試中額八名自光緒五年己卯科始其先本四名也按明時遼東屬山東布政司統轄中額附於山左自嘉靖甲午改附順天是年應試者即中至九人其南宮一榜按元史皇慶三年遼東省取中者

蒙古人五色目人二漢人二明成化乙未中至五人天啟丙辰且中至七人亦可云極盛矣

天橋

天橋廠在錦縣西南七十里切近海岸爲海艘市易之所去岸十餘里有小島每潮落現沙堤一道直達於岸可通往來潮長則沒地名天橋殆指此也

環海口岸

盛京環海口岸可泊大船者在寧遠境曰止錨灣曰趙家嘴子曰鵬翎嘴子曰長山寺曰釣魚臺在錦縣境曰馬蹠溝曰天橋廠在廣寧境曰狼窩曰小旗杆子曰五潮溝門在海城境曰田莊臺臺口擁塞改沒溝營在蓋平境曰三道溝曰西河口曰臺子山曰兔兒島在復州境曰娘娘宮曰五湖嘴子在金州境曰三道灣曰裴家屯曰黑石曰八隻船曰雙島曰羊頭窪曰旅順口曰龍王塘曰小平島曰青泥

窪曰柳樹屯曰大孤山曰石槽曰金廠曰猴石曰皮子窩其餘小口不計其數

北鎮廟

周禮職方氏東北曰幽州其山鎮曰醫巫閭隋開皇十四年詔以爲北鎮北鎮廟之名始於此

海運口在寧遠

明末征遼海運糧舶皆於寧遠登岸今州南猶存海防五城即屯糧之所

山蠶

蠶桑爲生民大利今盛京惟金復海蓋等城尙知養蠶地無桑柘以椽葉楓葉飼之故其絲粗硬新唐書載沃州之綿龍州之紬蓋其由來遠矣

輝發城

輝發城在今海龍廳東九十里城在山上山高十餘丈懸崖陡絕西
面臨輝發江通志稱輝發城有三然考滿名臣楊古利傳云征輝發
多壁城城阻大水衆難之揚古利率先逕渡云云則此城即多壁城
蓋其國都也輝發江元明一統志俱作灰扒江築城之山開國方略
名呼爾奇山

楊檉木廠

楊檉木牧廠在彰武臺邊門外本漢遼東郡地明初置廣寧後屯衛
永樂間徙衛治義州遂廢爲邊外地東西距一百五十里西北距二
百五十里東至科爾沁左翼前旗界今爲康平縣境九十里西至吐默特左
翼界今承德府朝陽縣界六十里南至彰武臺邊門五十里北至科爾沁左翼
前旗二百里其中可墾之地約一百四五十萬畝今隴畝縱橫大半
爲樹藝地既寬廣民又繁滋無人焉以治理之甚非策也若仿昌圖
海龍呼蘭之例奏請升科於馬政既屬無妨於蒙古亦有裨益

老農語

積畝為頃地之名也奉省則曰日

計以六畝

曰天

計以十畝

其種之物以

高粱穀子黃豆為大宗曰大田若小豆綠豆大麥糜子稗子粳子則
 間種而已近道邊多種蔴防牲畜之蹂躪也其種之節則有正杖迎
 杖重杖之別焉今歲豆明歲粟三歲穀周而復始地乃不傷故曰正
 杖也今歲粟明歲豆三歲復粟此謂迎杖今歲粟明歲又粟此謂重
 杖二者既竭地力故所穫每不豐而農之功則逸甚剗之以鋤去草也鏗
 之以犁鬆土也次不過三蓋地厚而腴不似他省之勞也隴之間荒之隔
 既寬且廣不甚惜也而農之器則簡甚一犁一鋤一瓠種一碌碡一
 竹杷木杷鎌刀而外無所謂耨與耖勞與撻也旱澇聽之天無事灌
 溉民何幸而生斯樂土哉

陳夢雷

省齋閩人耿逆之亂被脅賊平謫戍尙陽堡才敏妙能通國書公卿

子弟多從之學聖祖東巡獻詩釋回命編古今圖書集成亦流寓之

不可不紀者

尙陽堡在開原東清河溝

遼東佟氏

北燕時遼東佟萬以文章知名至國朝而忠烈公養正隸滿洲旗養甲隸漢軍旗亦可云不忝其宗

石塔

開原縣南門內大街有小塔一高約丈餘矗立街心頗礙行者土人云下有海眼其信然歟

老民給銀米

康熙三十七年十月二十三日恩詔軍民七十以上許一丁侍養免徭役八十以上者給絹一疋綿一斤米一石肉十斤九十以上倍之計各直省所上百歲以上者十六人九十歲以上者九千九百九十六人其中奉天僅止五人

國王碑

地名在錦縣境爲元木華黎國王之後乃馬代追封其父兀斯和爾所建又廣寧境有地名四通碑爲明都指揮同知王某墓也

峭王

三國志漢末遼東屬國烏丸大人蘇僕延衆千餘落自稱峭王其名甚奇創

如意菜

如意菜即蕨菜其初生如小兒拳又如如意故名每歲入貢聞元旦作饌饌進膳取吉語也

內府貢菜

內務府每歲呈進有王瓜壺蘆茄子蕨菜豇豆等乾每束以紅綠絨約之盛以木匣以供祭祀以充玉食崇尙儉約且示不忘本云

馬韓書院

復州書院名曰馬韓考三韓在今朝鮮東南境彼人士習而安之不知考正何其慎也

一家村

海龍通化一帶多就田起屋故不能比閭而居往往自築數椽四無鄰舍殆如杜少陵詩之所謂一家村者盜賊水火守助無人意外之虞更無從防範經畫之始何其不三思乎

楛矢之利

我國家以武功定天下威弧利矢不借材於異地後漢書載小水貊居西安平縣北出好弓又武王滅紂肅慎來獻石砮楛矢攷西安平在今安東縣肅慎爲今吉林境是弓矢之良自古已然然宋有巨弩名神臂弓亦名克敵弓立於地而踏其機可三百步命中貫鐵甲宋軍拒金多倚此爲利器軍法不得遺失一具或敗不能攜則自毀之防敵之得而仿製也元世祖滅宋得其式曾用以制勝至明乃失其

傳紀文達校永樂大典載有圖說唯機輪一事一圖但有短長寬窄之度與其軋牡凸凹之形無一全圖欲鈎摹其樣使西洋人料理以劉文正公之言而止恐西人之秘其法反不爲我利也今同文館機器局靈心孤詣不減歐洲若干永樂大典內檢圖繪出益求精詳不愈於專恃火器乎

錦縣四圍廢堵

錦縣城外四圍縱橫儼若廢堵傳聞係祖大壽等守城時所築以禦戎馬者此語似乎近之

燒鍋

今合省燒鍋不下四百歲糜米每燒鍋以二百石計之約八九萬石民以食爲天乃所耗如此良可惜哉夫方望溪禁酒之議固滯礙而不可行若定以限制未始非酌中之一道也

將軍石

廣寧西北有石如柱高數百丈石之北面勢若人立而軍裝者明成化間都督王某借立石碣

炮手

炮手以打牲爲業每出山時肩火槍履靴鞞臀後繫糴皮一張裹糧入山深處數人四面合圍名曰趕障以械敲林木口囉囉然獸驚起炮手者伺便乃發其發無虛遇之火藥時以蜣螂曝乾爲末調以鹿血曝乾以代藥但較硝磺力少弱耳鉛丸誤入人骨肉者以水銀白創口灌之其鉛自化爲水隨水銀出矣

古鐵嶺

明一統志云古鐵嶺在鐵嶺治東南五百里接高麗界洪武即彼地爲衛尋徙於此以今計之其通化懷仁境內歟

奉天學額

縣學之制於古無可考金時遼陽三十人咸平廣寧各二十人至昭

代滿字號原設文十一名武五六人取進一名咸豐五年因捐輸加文武各二名九年又加文武各三名同治六年因西安將軍多隆阿攻克賊巢銀充餉請廣東三省滿蒙文學額十名內分撥五名爲武額現共文學額二十一名武學額十名合字號原設文八名武五六人取進一名咸豐五年因捐輸加文武各四名九年又加文武各四名現共文學額十六名武學額八名奉天府學文學額六名武學額一名承德縣原設文武各七名咸豐五年因捐輸加文武各六名九年又加文武各一名光緒十一年撥歸新民廳文額一名現共文學額十三名武學額十四名遼陽州原設文武各五名咸豐九年因捐輸加文武各一名現共文學額各六名海城縣原設文武各五名咸豐五年因捐輸加文武各二名九年又加文武各二名現共文學額各九名蓋平縣原設文武各三名咸豐五年因捐輸加文武各一名九年又加文武各一名現共文學額各五名復州文武學額

各五名金州廳舊爲寧海縣原設文武各四名道光二十四年改爲廳學定額鐵嶺縣原設文武各二名咸豐九年因捐輸加文武各一名現共文武學額各三名開原縣原設文武各二名咸豐五年因捐輸加文武各二名現共文武學額各四名海龍廳光緒八年設文學額二名武學額一名新民廳初附考承德廣寧兩縣光緒十一年設文武各四名由承德縣撥歸文一名由廣寧縣撥歸武一名現共文武學額各五名以上由軍糧同知府考錄送學院昌圖府於同治六年設廳學文武各二名七年加文二名光緒三年升府又加文武各二名現共文學額六名武學額四名奉化縣懷德縣均光緒三年康平縣係光緒十一年各設文武學額各二名興京廳光緒四年設文學額三名武學額二名通化縣懷仁縣各設文學額二名武學額一名鳳凰廳光緒四年設文二名武一名由岫巖州分撥文武各一名現共文學額三名武學額二名岫巖州原於同治九年設廳學文四

名武二名十三年加文三名武二名光緒四年撥入鳳凰廳文武各一名現共文學額六名武學額三名寬甸縣光緒四年設文學額二名武學額一名安東縣光緒四年設文學額二名武學額一名以上各州縣均由所管府廳府考錄送學院隨省棚院考錦州府原設文學額九名武學額四名錦縣原設文武各七名咸豐五年因捐輸加文武各二名現共文武學額各九名寧遠州原設文武各五名咸豐五年因捐輸加文武各一名現共文武學額各六名廣寧縣原設文武各三名豐咸九年因捐輸加文武各一名光緒十一年撥歸新民廳武一名現共文學額四名武學額三名義州原設文武各四名咸豐九年因捐輸加文武各一名現共文武學額各五名以上四州縣由錦府府考錄送錦府考棚院試滿合號隨所住地方學官管束承德海龍廳未設學官附奉府學管束通化縣懷仁縣未設學官歸興京學管束寬甸縣安東縣未設學官歸鳳凰學管束此盛京學校之

大凡也

熱洛河

盧氏雜說明皇射鹿取血煎酪賜哥舒翰及安祿山謂之熱洛河王
阮亭先生以爲今蕎麥麪食名河洛之所本愚以爲此仍阮翁所駁
健兒名曳落河以字音相近而傳會也按明皇所賜之物今市中血

醃

以豬血合麪而成又名醃碗醃盛京各處多有之

似乎近是

畫犁

農家每於立春日以紅土畫犁具於牆初不知其所本豈即齊民要
術排比農具之遺乎

燒荒

古者守邊將士每至秋月草枯出塞縱火謂之燒荒唐書契丹每入
寇幽薊劉仁恭歲燎塞下草使不得留牧馬多死其法自七國時已
有之戰國策公孫衍謂義渠君曰中國無事於秦則秦且燒炳獲之

君是也今奉天東北邊一帶秋深風烈平原草枯忽爾紅光照夜詢之則燒荒也土人云野草之燒不盡明歲之苗不旺是意也可以通諸用人

煙突

奉省煙突最高矗立牆山如雙塔然每當炊時煙氣彌漫遠而望之僅剩雲中城闕而已永陵南六十里有煙甯山不第形似也霖雨將作爨甍生焉儼然一煙突也

冠婚喪祭之禮

冠婚喪祭之禮自天子達於庶人然冠禮久矣不行而婚喪與祭之儀亦各省微異初聘曰插戴曰下定以如意庚帖等物納之女家也而奉省則有掛鉤之說其儀夫之父母姻族以耳鉗耳墜至女家女子裝飾拜於堂上畢則序尊卑次第以煙草爲敬而夫之父母姻族咸以錢鈔予之至納采之期曰過禮而奉省曰下茶嫁娶之儀省會

又與外城不同沿海風俗近於山東夫婿親迎猶有古意其家貧而肩輿不備者乃易以車車之上覆以紅氍毹鼓吹前導抵婿門門之外設馬鞍一火盆一婿對輿持弓發三矢乃下輿交拜其以煙草遍及於夫之父母姻族與掛鉤時同喪禮當易簀時子跪於煙突旁呼某某西行者其禮似古之復其成服也男或用白毡帽女則辮髮以白布加額第三日親友臨弔咸以紙車馬贈者似古之贈喪家糊紙袋實以紙錠凡有服之親族署名其下每人各一孝子詣送於所近廟宇親友咸隨曰送行曰接三亦曰送盤川焚奠已畢孝子乃舉哀而歸送葬之禮惟開原尙沿古制靈輻繫長布孝子負而發輶焉即古所謂紼也祈禳之祭有事於天祖則請親友食胙肉一遵滿洲舊俗食畢而出不謝主人又婚禮貧家無力嫁女有向夫家索貲者名曰羊錢即古所謂賄婚又有妻而另娶者其名曰兩頭大此二端實陋俗也

父子繼任

遼陽知縣陳達德故其部民趙廉靜等求以達德子瞻遠繼父官昂
邦章京葉克書爲請於部部議遼陽初設達德爲首招衆出關俾爲
縣令今百姓願戴其子應如所請從之

廣寧石坊

廣寧城內亦有石牌坊一較寧遠坊微小李成梁立

潘故卷三

通州楊同桂伯馨輯

女真小字碑

海龍廳西百里山城子鎮正南小城子山上有磨崖書一段方高周尺三尺八寸餘寬三尺共字七行前五行行十三四字不一後二行距前五行尺許每行約四五字其筆勢頗古勁然結字甚奇好古家莫能識也嗣讀金石萃編內有金國書碑其中戊辛旻等字皆與碑同知爲金之國書按金史太祖命完顏希尹製大字於天輔三年頒

錢大昕云焜鬼繼總係熙宗天眷元年又頒小字翁樹培古泉彙考載有金都統郎君

修乾陵記每字以兩三字合成有如琴譜又據麟見亭河帥鴻雪因

緣宴臺訪碑以爲利豈戊矢彘伏去更辛字與爲女真小字則此碑亦爲小字無疑字既剝蝕搨手又劣有無訛脫尙當詳考

癸丑斗天墜向尺垂几月且豎然天辰孟庚壬癸戌年

刑又压反笋我压矣灵倾斧夷夫父左風刈天礼亦压冠艾
泝火屋等刈罕卡朱匕尺母必多月崇方余寔琴玉允余在
手

崇矣王 国育月

猴頭蘑

蘑菇菌之類其種甚多有榆蘑榛蘑黃蘑白蘑等名東邊深山內又
有猴頭蘑毛茸茸然絕似猴頭故名

堤塔

由瀋陽至興京有山路數處如蜀中棧道然土人名曰堤塔

哈什馬

哈什馬形似田雞腹有油如粉條有子如鮮蟹黃取以作羹味極肥
美然惟興京一帶有之滿洲人用以祀祖取其潔也

商人衣冠

道咸間凡商人遇慶弔事夏冠草笠冬冠高簷黑毡冠衣則冬夏皆着褐衫即雨衣蓋以此爲禮服也今則冠服炫華望之與士紳無異此亦觚不觚之一事也

葭園

通化縣山內葭園極多連畦布子灌溉如菜蔬夏則張蘆席以障炎日八九年後則擷而市諸即俗稱秧葭者是

盛京賦

御製盛京賦計三千三百餘言前有序後有鄂爾泰等十二人題跋並爲之注大內所藏有四體書賦帖其真書爲勵宗萬草書爲梁詩正隸書爲張若靄篆書爲汪由敦册高二寸許筆細如髮真寶物也

一省三京

盛京一省有三京焉興京初名赫圖阿喇則天命以前所都東京在遼陽城東則則天命六年四月所遷陪京則天命十年三月所遷也

萬柳堂

盛京亦有萬柳堂在省城南三里許

希姓

所見希姓有傘么唱邱伋智民要賢回緒信修老線侍

遼海衛

昌圖府廡前有一石上鐫遼海衛三大字蓋明初置衛時昌圖亦指揮治也其後則入於蒙古耳

耕犁

桓寬鹽鐵論云遼東耕犁轅長四尺迴轉相妨今耕犁較他省特長始自古已然

鼎甲

說者謂盛京自開國以來未有中鼎甲者惟乾隆中遼陽王爾烈以傳臚顯不知文僖公麻勒吉固開國時滿榜狀元也

范文肅公

開國文臣以范文肅公程文為首滿漢名臣傳闕而不載

短陌錢

盛京行使短陌錢以一百六十四文為一貫不知始於何時鄰省惟直隸永平府境亦然大抵明之末季兵餉支絀為此變通之計習而相安遂至今日耳按高江邨天祿識餘謂京師以三十三文為一百此國初京師錢法今盛京行用之數則又半之矣

兩大山

東北名山除長白外以醫巫閭及千山為最大千山在遼陽南周二

十餘里有祖越龍泉香巖中會大安五寺無量觀玉皇閣萬佛閣五

湖井嶽涼臺仙人臺仙閣山其山掩抱六重又名六山在廣寧北長

數百里有觀音閣古佛龕呂公巖補天石桃花洞仙人影會 千山隱

而秀閭山雄而奇東金蔡珪詩幽州北鎮高且雄倚天萬仞蟠天

通志

各直省之有志書所以考獻徵文導揚風化也陪都重地涵濡教澤二百餘年自康熙二十年間府尹董秉忠等創修志書三十二卷乾隆初又經府尹宋筠王河等續修為四十八卷規模粗具然疏陋不堪純廟設局重為編次為卷百二十為目四十曰聖制卷一典謨卷八天章卷八京城卷一壇廟卷一宮殿卷一山陵卷一星土卷一沿革卷一形勝卷一山川卷四城池卷四疆域卷一關隘卷一津梁卷一田賦卷一戶口卷一職官卷一解署卷一學校卷一選舉卷一兵防卷二名宦卷一歷代人物卷一國朝宗室八旗卷一國朝人物卷一忠節卷一孝義卷一文學卷一隱逸卷一流寓卷一方伎卷一仙釋卷一列女卷一祠祀卷三古蹟卷五風俗卷一物產卷二歷代藝文卷四國朝藝文卷四雜志卷二

唯此本自修定後並未通行故坊肆仍行舊本板存書院漫漶頗多咸豐中雷藿郊督學刊補一次後遂無議其事者夫以蕞爾小邑咸有簿錄之書豐鎬舊邦乃竟無人續輯此非賢士大夫之責乎

十六邊門

柳條邊自山海關以東之鳴水塘門起東北至吉林之發忒哈門止

凡邊門十四曰鳴水塘至山海關邊城八十二里又百二十九里曰

白石咀又七十里曰梨樹溝又六十五里曰新臺又一百四十里曰

松嶺子又一百里曰九關台又一百九十八里曰清河又八十里曰

白土廠又一百六十二里曰彰武臺又一百三十里曰法庫兩邊之間有葉

茂台門不在數內曰佈爾圖庫曰赫爾蘇曰伊通曰發忒哈此四門屬吉林

省境自法庫門之東一百五十餘里直趨東南曰威遠堡兩邊之間有馬千總

台門不在數內現為昌圖府至省通衛又二百十里曰英額英額不在數內為海龍至省通

衛又二百里曰旺清又二百九十五里曰城廠又一百七十里曰爨

陽又二百三十里曰鳳凰又一百五十里至海岸在盛京境共十六

邊門

篆寶

每列聖列后加尊號則遣翰林二員來盛京篆寶嘉慶中武進張皋文先生曾膺是差言於當事者自京師等上上玉刻成遣使奉往其舊寶不得磨治並言翰林官乃皇帝侍從奉命篆寶係大典禮宜奏請馳驛不得由部給火牌當事甚以爲然以格於例不果奏

遼太祖陵

遼太祖陵在廣寧城北閭山之麓金時即已平毀土人耕於此者往往得舊瓦以之爲硯不減銅雀也

五部設漢員

王麓臺曾請於盛京五部增設漢員以備體制部議不果行

行宮

陪都重地陵寢在焉禋祀巡狩翠華時臨若循歷代之制行宮別館不知凡幾今惟興京廣寧建有行宮二所且茅茨土階僅避風雨大禹之卑宮室不得專美於前矣

營口砲臺

大遼河入海埠頭初設於牛莊繼乃遷於沒溝營至今外省商販仍名曰牛莊海口光緒八年建砲臺於東岸當海船入口處臺牆周二百六十餘丈前面隨河灣轉作扇面形中間築大砲臺一座兩傍平砲臺二座以取迎頭環擊之勢牆下有暗砲洞八處以備伺便平擊之用軍械庫火藥庫即在臺下後面中間營門一兩傍營門二水洞二內築兵房庫房二百餘間水塘兩處臺前有長壕一道圍牆兩傍又築牆十餘里翼蔽左右其大略也

驛站

盛京驛站屬於兵部東路三日噶布花林沙兒濟穆奇以通與京西路十二日舊邊巨流河白旗堡二道井小黑山廣寧十三山小凌河高橋寧遠東關涼水河以達山海關南路八日十里河迎水寺浪子山甜水站連山關通遠堡薛禮站鳳凰城以達高麗北路三日懿路

高麗站開原以達吉林唯摺奏暨大事用之州縣文報另設鋪司遞送唯東邊道所屬並海龍廳均用馬撥光緒十年又經改定凡鋪司處所均令捕盜兵兼送

銅杓鐵鑊

海龍人耕地得銅杓一鐵鑊一杓以鐵爲柄重七觔餘鑊形如三禮圖所繪中可容米斗許按周禮饗人有羊鑊豕鑊皆烹飪器也

鹿角麀角

古以四月爲鹿角解十一月爲麀角解自乾隆戊子純廟改定時憲書以十一月爲麀角解始闢沿訛之陋蓋以木蘭之鹿角吉林之麀角皆解於夏惟麀則解於冬故特正其舛以示後按麀之爲物東人俗呼馬鹿其角實與鹿同惟麀大於鹿兩角間頂骨微寬用之於藥則較鹿爲遜東坡云鹿陽獸見陰而角解麀陰獸見陽而角解亦格物之未至者

瀋陽城隍廟碑

元至正十二年建立碑文半泐其陰面題名曰昭信校尉瀋陽等路
高麗軍民總管府判官名奉政大夫同知瀋陽等路高麗軍民總管
府事瀋陽等路軍民總管府提控□□耶律順禮宣武將軍總管高
麗女直漢軍都萬戶兼管瀋陽等路安撫使高麗軍民總管王□中
順大夫瀋陽等路安撫使高麗軍民總管洪□將仕郎瀋陽等路軍
民總管府知事王道□懷遠大將軍瀋陽等路安撫使高麗軍民總
管□□□□從仕郎瀋陽等路軍民總管府經歷張子中□□將
軍總管高麗女直漢軍都萬戶府副萬戶路□□總管高麗女直漢
軍都萬戶府經歷鉢可台宣武將軍總管高麗女直漢軍都萬戶府
都萬戶洪進義□□瀋陽等路高麗軍民總管府鎮□□懷遠大將
軍總管高麗女直漢軍都萬戶府達魯花赤□忠顯校尉總管高麗
女直漢軍都萬戶府鎮撫□

高麗通商

盛京與高麗僅隔一鴨綠江故疆禁極嚴彼此不得私越貿易互市只鳳凰城一隅向於春秋二仲月開門始許來往其權稅之事則於

中江設文武章京二員領之

文章京由五部司員內派委武章京由將軍屬之防禦等官派充一年為期即

行更

俗呼曰中江臺官自光緒十年定議准高麗與各外國一律通

商遂弛海禁撤臺官一切事宜胥歸之東邊道而互市於鎮江城

俗名

九連城

續文獻通考云元世祖中統中於高麗鴨綠江西立互市其地

與今不甚相遠

烽火臺

物類相感志云遼東西北有太宗烽火臺去臺五里間有火穴彼謂為塘煨池夜望明如晝常如燒或有物去池三十步無巨細脅入池中莫能記數深淺焉

三寶

天津王雪菴先生名柘於咸豐年間任遼陽吏目年僅四十而卒著

作甚富今所傳者只閱莒草堂詩四卷耳內有詠人參貂皮烏拉草

詩三首人葭曰瑤光星采散紫氣蟠縹緲嗚聲出土中千歲嬰兒小

背陽三楹排向陰五葉裊紅實隨圓勻黃鬚挺天嬌叢叢山巖幽森

森椴樹老裹糧事尋搜攜鏡費別挑探同隱士芝護抵仙人棗先之

熱湯煮繼以活火煿補註初我朝與明互市明以人參不能持久故抑其值我朝恐其腐敗也每賤價售太祖乃教

以製熟之法製成去癥妬輸入官局早補註每年放棧票一千七百五十張每票收棧五分共收棧八百

七十六兩內貢九十六兩咸豐三年奉旨停止將軍選絕品封題馳貢表上獻蓬萊官天子

長壽考分頒諸侯王賚錫師傅保是物補丹田功用稱再造上黨古

所貴並論覺纖杪元葭既體虛丹參況力少苦參性味偏沙參膚澤

槁豈若遼東產補註宋許亢宗此行程錄云自成州九十里至同州東望大山虜人云此新羅山其間出人參按同州為今

開原東境據此則遼東產參殆已久矣一花飛五鳥原註錢起紫陵歌序五葩連高山

羣參中輩行都壓倒我朝昔開基王氣孕靈草隣市過折價乃用彰

天討聲罪朝鮮城受降瓊華島

原註國朝初賀參高麗價十兩一助高麗人詭稱明朝不售九折價給後

捕獲偷掘者知其詐起兵征服之

蒙古諸部落相偕隸旗旄疆宇日恢廓明兵或肆

擾彼衆每雲集我戰輒電掃千斤定歲餽答禮宜修好

原註崇德七年與明議和

每歲輸黃金萬兩白金百萬我餽人棧千斤貂皮千張歲爲例

故事二百年東人尙諳曉是真國家

瑞非特天地寶中原鼎久定故都視豐鎬野多黃鬚翁室有白頭媪

非關服食力食且邁商皓思我堂上親雲舍感懷抱扶衰需上藥艱

難入關道

原註山海關禁參最嚴

貂鼠曰鼠類陰且微惟貂出班行臨鬢映飛

蟬珥冠借金璫蕭條黑津山羣衆嬉大荒日餐松柏實紫毛爛生光

夜宿銜樹枝自謂難我傷豈料見圖者設伏機潛張遺矢下觸機機

發洞弩錠可憐剝膚慘非汝能周防販入五都市短電仍薰將續斥

狗尾賤集等孤腋良百金購一裘價視荒山昂

原註紫貂出黑津山出荒山者則色黃價

遠不

國初制未嚴僭服皆揚揚宜與任待御作奏陳天闕老較漢官

儀三品有定章遂同給刺孫邦憲著爲常翰詹及科道待漏寒莫當

滿朝怨葵尊諸語傳漁洋我爲貂鼠篇篇終意慨慷竊聞古大夫清

節存羔羊寄語三貂人退食宜思量烏拉草曰三寶出關東諺語遼

人傳人參貂鼠皮此草參其間初疑小草微未必若是班庸知功在

民乃實非等閒其生不擇地山陸皆彌漫最佳爲紅根莖細色渥丹

次爲塔頭纓千百莖相攢春茁采及秋曝向烈日乾捶之復揉之入

手蓬團團補注每至秋末冬初見人盤坐於地手持木槌而聲聲者即傳此者也牛革爲烏拉草在其

中蟠赤足著之去雪地隨往還輕同蒲鞋踏堅抵木履穿暖逾吉莫

靴軟比兜羅綿補注近人有絮爲陽春有脚來不慮行蹣跚我曾試

之效稱奇發長歎復以壽富人貧者不獲餐貂以榮貴人賤者不敢

冠惟此草一束貧賤得禦寒較彼復與貂爲用且更寬固宜以寶名

珠玉莫能攀太祖有烏拉至今藏金鑿補注每年六九月大內掛餘陳設曾經恭觀約一尺有餘

遺留示後王王業成艱難天之使是獨神秀鍾三韓上媿孔陵著下

視九畹蘭

遼陽海神傳

明林屋山人蔡羽著遼陽海神傳敘述神異有類寓言然記遇合之歲月與夫傳說之人似又非羌無故實者

古石刻

盛京古石刻傳於今者甚稀據寰宇訪碑錄遼有奉國寺石幢記開

泰二年立在義州今有大廣濟寺塔記清寧三年立在錦州今金有奉國寺續

裝兩洞賢聖題記張劭撰劉永錫書明昌三年正月立在義州今元有重

修奉國寺碑盧懋撰王遂書大德七年九月立在義州今考欽定續通志

遼金三碑俱不載元時石刻則自奉國一碑外尚有遼陽路香巖寺

雪菴塔碑陳景元撰史弼書皇慶二年立在遼陽今奉國寺莊田記杜克

中撰至正十五年立在義州今明有修補奉國寺聖像記住持某撰嘉靖

十五年立重修奉國禪寺碑記梁廷登撰白應台書萬歷三十一年

立重修倒座觀音記孫世捷撰王悅祖書萬歷三十一年立俱在義州今

幅幘數千里內諒不止此惜無能細訪而著爲一錄者

開原銀佛

開原銀佛寺內銀佛一尊高尺餘光緒初年爲賊竊去先是咸豐年間賊竊佛一指即迷罔不能出寺遂被擒謂非有靈不能如是今全體被擄其無靈也耶抑有數存雖佛亦無如何也僧人或曰飛去矣

五榆歌

兵部署有鐵冶亭尙書保所書五榆歌一幅詩字俱臻神詣其弟閔

峰玉保侍郎來蒞斯任爲和歌亦懸於壁兄弟先後爲陪京司馬亦

佳話也

開礦

太祖己亥年明萬曆二十七年三月始開金銀礦鐵冶按是時太祖尙居赫圖阿喇則此礦當在

今興京百里內

漢人得證

盛京土著自開國以來半隸漢軍易名之典不可勝紀漢人得諡者

惟秦聚奎

蓋平人直隸大順廣道

諡剛烈陳克讓

承德人江安督糧道

諡忠節二人而已

紀遼事書籍

紀載遼事者自古寥寥國朝有官撰之滿洲源流考楊賓之柳邊紀略林本裕之遼載高士奇之扈從東巡日錄近人林壽圖有啟東錄

古印

農民墾田往往得古銅印以予所見者八方曰行六部尙書曰莫溫河衛指揮使司印曰右阿速衛親軍都指揮使司百戶印曰都統所印曰宣撫副使印曰行軍萬戶之印曰正先行官印曰廣豐倉記按六部尙書見於金史然其篆文八疊規模全與都統所同都統所始於遼則六部尙書亦遼印也莫溫河衛即永樂間所設一百八十四衛之一印背鑄釋文並永樂二年六月禮部造共三行右阿速衛名見元史惟速作蘇按遼史阿蘇亦作阿速蓋音字亦相通其文不可識殆即八思麻帝

師所製之蒙古字也背鐫字二行一行釋文一行紀年月字漫漶不可識矣宣撫司始於趙宋行軍萬戶則元印也惟正先行官之名不見於史廣豐倉記方僅寸許背鐫正隆二年然金史百官志所載諸倉並無此名或偶置即廢未可知也以諸印觀之諸史之漏略亦多矣哉

建州

雙槐歲抄載建州女直金之後也洪武初降附永樂中設奴兒干都司統建州等衛所二百有四世受官賞爲不侵不叛之臣初建州海西兀者等衛夷人先居斡木河與七姓野人有讐投奔朝鮮復爲所戕乃復歸附朝廷處之遼陽迤東蘇子河一帶遞年往來朝貢成化丙戌背義搶掠人畜數萬天威震怒將元惡董山等二百五十餘人俱留廣寧監禁致死乃調大軍抵巢征勦未有成功己亥九月賊首刺達等猶爲邊患巡撫都御史陳鉞總兵歐信從饒頭山嶽口等處

攻之斬獲賊首二百餘級全軍而還復分兵於遼陽迤東五堡北接撫順城南連鳳凰山林木稠密處按伏以守之己亥賊首伏當加糾三衛入寇命撫寧侯朱永總兵中官汪直監其軍陳鉞贊畫往討破其營五百餘所焚廬舍二千餘間獲馬及軍械倍之永由是進封保國公然其後讐我大邦益肆猖獗女直自此叛矣

老古洞

興京東舊名老虎洞在懸崖下洞口如戶可容二人內爲石室壁石隱然有罍瓶狀西通十餘步東可里許復露天光有如懸鏡前有河流亂石多具鳥獸禽魚形

海龍城

海龍之名於史志皆無考恭讀純廟御製詩集乃知爲海蘭之譌也按海蘭霍吞詩序云海蘭霍吞者漢言榆城也遵槎爾筏嶺而西旁見舊城之基焉雉堞無存土疊尙在昔年征戰之時各築堡以自守

遺老既盡無能道其事者以其生榆樹焉則謂之榆城而已按詩集
次序先經輝發故城即過海蘭至花園入英峩門今輝發在海龍東
花園在海龍西是海蘭即海龍已

錦縣牧場

順治五年以中前所後屯衛中後所地分給八旗爲牧場康熙二年
令錦縣大凌河牧場東至右屯衛西至鴨子廠南至海北至黃山堡
留爲牧馬地乾隆十三年裁減馬羣於西界截出十里給官兵耕種
後截齊東至杏山北濠溝西至鴨子廠南至七里河北至金廠堡爲
界

永寧菴碑

鐵嶺城南三十里汎河堡永寧菴有古碑一係尼僧普會重修是廟
者也文甚鄙俗不堪寓目其紀元處但云大金歲次乙丑據文內不
料戊午三韓竟沉之語則此大金殆非完顏氏也完顏之世歷戊午

者二均無兵革惟國朝天命二年戊午克明撫順等城文殆指此是
崇德丙子未號大清以前國號原建大金也

同名郡縣

盛京府廳州縣有與各省同名者承德京縣與直隸府名同鳳凰直
隸廳與湖南廳名同寧遠州與四川府名山西廳名湖南永州府下
縣名甘肅鞏昌府下縣名俱同廣寧縣與廣東肇慶府下縣名同奉
化縣與浙江寧波府下縣名同懷仁縣與山西大同府下縣名同

鄉試

每鄉科合滿合夾號所中不下二三十人似可仿照貴州

貴州小省
每試額中

三十人特建試院於奉天省統奉天吉林黑龍江三省滿漢赴試人數

酌定解額士習文風或當進而益上考金史凡府試策論進士上京

海蘭率賓呼爾哈

均今吉林地

扶餘東北招討司

均今吉林黑龍江地

等路則赴會

寧府試咸平隆州博索東京蓋州懿州則赴咸平府試詞賦經義進

士上京東京咸平府均試於遼陽府策論詞賦經義
金時分兩科其試官詞賦三員策論二員酌古準今是有司與都人士之責也

龍興

兩般秋雨菴載南昌張曼胥備大學士張位之弟醫卜堪輿風鑑之術靡不通曉萬曆間遊遼東歸語人云吾觀王氣在遼左又觀人家葬地三十年後皆當大富貴閭巷兒童走卒往往多王侯將相天下其多事乎人以爲狂既而果一一皆驗乃知真龍之興非偶然也

元寶

銀錠名元寶起於元至元三年每重五十兩輟耕錄云十四年者重四十九兩十五年者重四十八兩遼陽元寶乃至元二十三四年征遼東所得銀子而鑄者

明邊

柳邊紀略云盛京西六十里有土牆基號曰老邊疑前明失遼後邊

牆按明季曾於三义河適中之地設立鎮城遼河上游

自廣寧以東開原以西其

南至三义河

全行置於邊外自廣寧至瀋陽須由遼陽繞行則此老邊蓋

尤在前也

銅礮

光緒辛卯朝陽教匪爲亂奉軍赴援於義州邊外得銅礮二長二尺餘腹巨口斂上鑄字曰嘉靖甲辰兵仗局造破虜一千三百三十五號其一款識同其號則一千七百六十三號也按明志明置兵仗軍器二局分造火器凡數十種正德嘉靖間造最多又稱嘉靖初御史邱養浩請多鑄火器給沿邊州縣云云考破虜之名史志不載然已鑄至數千可見當時火器之多然其後任用匪人遼事日壞堅甲利兵蓋不足恃矣

承德令

湖南衡永道施道生籍江左父以乙科令承德縣縣旱荒施請賑適

歲國有大慶枋國者忌以偏災勞聖慮陪都卿尹希其旨牘上三駁
施憤極曰余爲一邑主豈惜以一身救萬民遂盡發倉穀上牘自劾
卿尹怒飛章題參以侵蝕擬大辟庾死獄中道生流落遼瀋轉徙入
都爲酒家傭時災黎之後咸思報施德方羣然訪施後竟遇道生肆
中爲沐浴易衣俾更業讀迄弗成有官御史者援之入方略館充供
事得官旋從軍楚南荐升觀察後遂爲承德人以施之慈惠邑人之
厚報循吏義民宜不朽於後乃不數十年泯無傳焉甚可怪也事載
近人小說

名坐花
誌果

說又載邑人爲施建祠今亦無考

潘故卷三

潘故卷四

通州楊同桂伯馨輯

堂子

省城大東邊門內有廟焉爲設竿祭天神之所名曰堂子即俗所呼鄧大人廟也蓋其中有上神亭祀明將鄧子龍位鄧與太祖有舊故附祀

學校原附永平

順治元年八月順天督學御史曹學溶請將遼東等十五學改附永平府設教官三員分司教導擇遼地經明行修之士充其任其拔貢廩給事宜仍與各州縣同從之五年閏四月命陝西設遼陽教官一每科中舉人二名歲貢二名改永平府寓學爲遼學裁教官一每科中舉人三名歲貢三名以吳三桂移鎮陝西故也

九門

省城兩北門間俗呼爲九門勢亦似曾有門者然志不載

蒙古

元至元十二年三月遣官往遼東僉揀蒙古達嚕噶齊千戶百戶等官子弟出軍按元史百官志遼東設官較各省尙略乃至特遣官員揀其子弟不可解也

衛兵

明時瀋陽隸山東布政使司而瀋陽中屯衛兵則統於北京後軍都督府

大佛寺

在義州城內佛像三俱高三丈餘殿約四丈數十里外即望見之洵奇觀矣

遼河城

扈從東巡日記云遼河一名勾驪河上有小城名開城本朝初定遼

時所築

黃龍府蓋牟城

以開原爲黃龍府蓋平爲蓋牟城沿誤已數百年矣不知黃龍府即

今吉林之隆安城

其誤蓋由開原會名扶餘路

蓋牟則今承德縣界也

以一蓋字沿誤

搖車

吳振臣甯古塔紀略云生子滿月下搖車如吾鄉之搖籃小兒哭不已則搖之口念巴不力如吾鄉之嘎喏喏也按搖車今只東三省有之小兒纏裹其中仰面而睡故枕骨皆平一望而知爲三省人

玄菟山

玄中記云玄菟北有山山有花人取紡績爲布按今之海龍圍場地即元菟故郡也惜無有仿而爲之者

白貂

今之銀鼠即昔之白貂五代史耶律德光脫白貂以衣晉高祖是也

白豕

遼東白豕語出朱浮與彭寵書

老邊

奉化縣東北土阜蜿蜒由懷德縣西南入界至小城子過龍王廟至老壕屯長數十里高丈餘土人名之曰老邊岡殆明初遼東都司之北鄙也

奚車

雜志吳文肅奎使遼詩云奚車一牛駕

按今昌圖府即昔之奚境有奚王嶺土人名曰蒙古兒陀

羅海朝馬兩人騎北人長於騎自古已然兩人同騎三尺童子皆能之
余嘗議以為練步兵萬不如練騎兵千亦用其所長之意也

電線

盛京電線之設自光緒十一年始初設南路通營口經錦縣以達於山海關至津入京繼設南路通旅順東南路通鳳凰城以達朝鮮再

設北路以通吉林其線南北各二條東南一條每百里約線杆七百根其設局之處曰省城曰營口曰鳳凰城曰旅順曰山海關其報分四等頭等曰公報督撫將帥之奏牘公文也二等曰局報局員互相詢問之公務也三等四等皆商報也

旅順石刻

旅順水師營中有石刻一長約今尺一尺二寸寬半之字三行其文曰勅持節宣勞韎鞞使鴻臚卿崔忻井兩口永記驗開元二年五月十八日共二十八字其字結體頗似柳城石刻考舊書渤海韎鞞傳睿宗先天二年遣郎將崔忻往册拜祚榮爲驍衛員外大將軍渤海郡王云云與碑文只隔一年殆即是也惟史名訢碑作忻稍不同耳

香水梨

新唐書渤海傳九都之李樂游之梨樂游於今地無可考今奉省梨之佳者以遼陽香水梨爲最他省所無也

此梨按年進呈屢乾爲餅名梨乾實妙品也

神穴

懷仁縣東七十里亂山重疊中有穴焉土人名曰仙人洞殆即後漢書高麗傳之所謂大穴名樾神者也口極狹入者須匍匐蛇行再進百餘步乃能偃僂四壁皆石作龍鳳獅象種種形狀再進則臨陡崖越而下如擊鼓聲蓋中空也再進則有石七級每級皆如羅列花盆之狀大小方圓曲邪其勢不一每盆皆有水泓然與盆齊其深各三寸餘盆沿又皆有捲雲花樣亦異矣哉再進則地愈寬其高處穴鱗次如千門萬戶然而兩洞相距處皆有天然飛梯可通來往天地之生物真不可以理測矣再進則水前阻勢如井如鍋其深不見底從旁繞行乃可下再進十餘步則泉聲琅琅由此穴注彼穴也至此蓋已三里餘矣欲再進則氣候頓異燭不復光凝目遠望尙隱隱有房櫳人亦不敢深入故莫得窮其境焉內有蝙蝠一大尺餘

鰾膠

陳繼儒曰呵膠出虜中可以羽箭呵噓隨融故曰呵膠陸子履詩云此膠出自遼水魚白羽補綴隨呵噓又嘉祐雜志契丹鴨子水牛魚鰾製爲魚形贈遺婦人貼面花今遼東鰾膠并不甚著唯愛瑋所出瓜鰾形製不一光潔可愛以上各說蓋指此云

吹城

省城每年春秋二仲月自朔日起至望日止軍士持畫角乘城而鳴

土人名之曰催錢糧

蓋整軍經武之遺意也

義州

國初以義州賜察哈爾康熙十五年乃設官

世襲王

天眷東顧肇造丕基一時命世之英罔非天潢之胄故今日河山帶礪俱是懿親雖非劉氏不王然皆立功所致也按會典除開國三詔以前凡世襲者俱不罔替而親郡王中世襲罔替者凡八曰禮親王

太祖二子改號曰睿親王太祖追削後復封曰豫親王太祖改號信後復曰肅

親王太宗一子改曰莊親王太宗承澤後改曰鄭親王顯祖子舒爾哈

後曰克勤郡王太祖子又封曰衍福後復曰順承郡王代善一子顯親王

皆順治元年以前所封因而盛京均有邸第今禮邸在灰市睿邸在

木行西邊豫邸在木行東邊肅邸在西華門西莊邸在龍王廟後鄭

邸在小南門裏克勤郡邸在將軍署後承順郡邸在莊邸北大紅袍

古今鹽務

據漢書遼東郡平郭下注有鹽官是奉省之權鹽當自武帝後始元狩

四年置鹽鐵官其征權之制史文缺略莫得而詳歷晉至宋割隸與國遼金

以下乃可考見遼志曰遼東新附地不權酷而鹽麪之禁亦弛馮延

休韓紹勳相繼商利欲與燕地平山例加繩約其民病之又曰五京

及長春等州置鹽鐵轉運想見當時自有定制惜乎史無明文然遼

紀又稱聖宗統和四年南京留守奏百姓歲輸三司鹽鐵錢折絹不

如直詔增之則彼時固有折絹之制也至金始造其詳無聞世宗大定二年詔梁肅措置治邊兵食肇州北京廣寧鹽場許民以米易鹽二十年併遼東等路鹽場爲兩鹽司其時山東斤三百爲袋袋二十有五爲大套鈔引公據三者俱備然後聽鬻小套以石計遼東大套之石十皆套一鈔石一引零鹽積十石亦一鈔而十引二十五年十月帝聞遼東食鹽無引目者即以私治罪因罷鹽使司二十九年後置以十三萬爲額承安三年後定鹽課舊課歲入十三萬一千五百七十二貫八百七十文增爲三十七萬六千九百七十貫二百五十六文此金時之大較也元太宗九年始立遼陽鹽課命北京路征收所以大鹽灤硬鹽立隨車隨引載鹽之法每一石價銀七錢半帶納匠人米五升世祖至元四年立開原等路運司武宗至大元年增鹽課而遼東仍舊順帝至元十年罷遼陽濱海民煎熬野鹽蓋遼東一省在元時土人甚少故官制亦疎其鹽法亦不甚留意也明代則海

州衛場一大片嶺關場一蓋州衛場一梁房口場一復州衛場二金州衛場一廣寧中屯衛場二右屯衛場一前屯衛場一寧遠衛場二其引課之數史志不載據茅元儀武備志稱原額鹽十四萬一千五百四十八引現額鹽引一十一萬一千四百二十斤該銀三萬九千七十六兩五分其稱原額者洪武之初現額者萬曆初年也又明史食貨志載成祖時罷遼東鹽場不設官軍餘煎辦召商易票以給軍凡大引小引之制如內地蓋亦時有廢置云至我朝康熙十八年召募商人呂進寅等領引行鹽二十年因戶部侍郎達都言鹽價昂貴將及二倍民人難以資生乃停止奉天銷引聽民人自行貿易直至同治六年奏准試辦每鹽一石捐東錢一吊文以八成歸公光緒三年加至二吊四百文十年又加至四吊八百文亦均以八成歸公其設局抽釐之處曰營口局為總曰望海甸西寧遠曰常家屯廣東曰馬帳房廣東南曰天橋廠錦縣曰三道溝蓋平西曰熊岳曰白

旗口復州九十里

曰高家心子

金州西南一百八十里

曰涼水灣

岫巖西南一百八十里

又分

卡二曰安東縣曰大孤山

高麗王

近人東瀋紀要云高麗昭休王權宣文王子王后張氏生於瀋蓋自崇德丁丑高麗臣服我朝時宣文王溟以質子入瀋也外藩之王生於中國亦可謂佳話也

察院行臺

遼陽州鐵嶺縣廣寧縣國初皆有察院行臺今之將軍衙門乃開國時吏部公署

跳神

薩瑪有男女土人深信之以為能治病也必延請乃至至則索香花牲醴之類無准價視滿其欲乃請神腰着褰幅綴以鈴手執大鼓俗即稱太平鼓者聲蓬蓬然目或瞠或閉身搖搖如欲傾口刺刺有詞如劇如

謠不辨其何語謂有神助不自知也神之姓非胡即黃一入病者居

無論何疾皆日以崇遇神與崇鬪則有上刀山用劍刀數十積為山開

天門用利刃自劈其額穿紅鞋用耕犁鐵鐮燒盡赤而赤足着之之戲往往傷生又跳神處

觀者不禁故男女雜沓圍若堵牆然官役至紛紛駭散薩瑪雖正跳舞亦免脫矣

鎖甲

酉陽雜俎載遼東有鎖甲高麗言前燕時自天而落

護臘

事物原始遼東軍人著靴名曰護臘今東三省之靴鞣蓋音相沿而訛也

韓州古鏡

道光初元吉林將軍文誠公富俊在昌圖八面城得出土古鏡一周圍篆書內清斯外昭明光輝象天日月心忽揚而願照雖塞而不泄

長毋相忘見日之光三十一字背面楷書韓州刺史四字按今八面城即遼金時之韓州治見余盛京疆域考中

漕運

金史武都傳由海道漕遼東粟賑山東按此爲元人海運之漸

省城之西即古遼澤

崇德三年修治自瀋陽至遼河大路高三丈一作一尺廣十丈路旁濬濠

以睿親王饒餘貝勒董其役唐書太宗征高麗至遼澤泥淖二百餘里人馬不可通長孫無忌等率萬人斬樵築道聯車爲梁者即此嗣康熙五十八年雍正六年復修治之然一經雨水猶不可行唐時征高麗即此一端亦可見其不易矣

得魏晉遺書

孫盛著魏晉春秋桓溫見而大怒謂盛子曰枋頭誠爲失利何至乃如尊君所說其子遽拜請刪定諸子號泣請爲百口計盛怒不許諸

子自改定之盛乃書兩本寄於慕容雋太元中孝武帝博求異聞始於遼東得之以相參校多有不同

三王一公

開國時明之降將封王者四封公者一除定南王孔有德為山東人餘皆籍盛京吳三桂錦縣人其祖墓在中後所之抱河嶺平南王尙可喜靖南王耿仲茂俱海城縣人續順公沈志祥岫巖州人

專祠

省城賢王祠為怡賢親王允祥也三公祠為文忠公文祥文勤公崇實清愨

公都興阿也僧王祠為科爾沁親王僧格也陳公祠為陳忠節公克讓也

昌圖亦有僧王祠及海公祠海盛成都駐防舉人慶徐三公祠徐棠

興京有劉公祠劉景蘇州舉人以上三祠皆同治初年

死馬賊之難者也錦縣關帝廟前殿有周忠武公吉遇三代像母中坐

寧遠州龍王廟有劉松嵐方伯大觀小像鐵嶺銀岡書院

有郝冰滌中丞

嶺後以講學地施爲書院

栗主海城有尙王家祠

虹螺山影

山距錦縣數十里每夕陽時山影入縣城外小凌河中其理殊不可解

聖像

海城縣南門外有廟一楹內塑孔子仲子二像夫子坐子路捧劍而侍蓋未修文廟以前所立者

火炕

燕書曰公孫鳳隱昌黎九城寢於土牀此土牀即今之炕又舊唐書高麗傳冬月皆作長炕下然熅火以取煖可見東省之炕自古已然事物原會云北方煖牀曰炕而未詳所始失之眉睫矣

契丹小兒讀書

夷堅丙志契丹小兒初讀書先以俗語顛倒其文句而習之至有一

字用兩三字者頃奉使金國時接伴副使祕書少監王補每爲予言以爲笑如鳥宿池中樹僧敲月下門兩句其讀時則日月明裏和尚門子打水底裏樹上老鴉坐大率如此補錦州人亦一契丹也

中庸衍義

夏良勝江西南城人正德戊辰進士世宗時以議大禮下獄論杖謫戍遼東三萬衛踰五年卒於戍所在戍著中庸衍義十七卷自性道教達德九經之屬援據古今推廣衍繹意在格君之心

顏魯公祭姪稿石刻

此帖後有陳深陳繹曾文徵明三跋據書畫舫所記殆即停雲館本也唯帖後多嘉靖庚戌羅洪先一跋國朝鄧秉恆一跋又均稱聶雙江家所藏墨蹟則不但非停雲亦非餘清戲鴻也帖尾有翁覃谿先生附刻一行此所謂聶雙江本也念庵跋則後於停雲之刻九年矣亦足備考云云而亦未詳此本所刻源流似爲覃翁刻矣道光間復

州漁人于海濱網得此石以塞豚柵士人某見有字跡移置於家遂漸摹榻尙不知其可寶也嗣士人家中落稱貸於州少牧趙君石乃歸趙夫以希世之珍既落遼海土人不能守而遊宦得之甚可惜也

大凌河道旁磨崖字

大凌河店西四里許路旁有石巍然面平處勒畫如碑式道出其下惜高三丈餘不能摸讀且石爲風雨泐損字形全失僅末行有路聲聞三字尙遙遙可辨云

管公屯

輿地之學必須有據如通志云海城西北五十五里管公屯乃幼安依公孫度時所止按史稱幼安等遊遼東度虛館以候之既至廬於山谷時避亂者多居郡南而幼安獨居郡北示無還意漢遼東故郡在今遼陽西北則通志所考似屬非是

看花樓

鐵嶺東門外有堵牆如傑閣俗傳為李氏成看花樓高處有門形上嵌石額橫尺許從倍之質素而文黝現天然梅花一枝

普濟寺碑

碑立於順治四年內敍太祖高皇帝天命十年本京南關內建崇德

八年多羅愛習喇額只革王機蓋即鄭親王二漢郎積爾哈朗云云蓋修建時

碑也又一碑係領藏經時所立其後結銜有兵部理事官馬汝鯨都

察院啟心郎蔣國柱吏部啟心郎盧興祖禮部啟心郎陽河道副使

陳弘業山海副使楊茂魁戶部侍郎馬鳴佩刑部侍郎馬汝龍下刻男馬

程雲工部侍郎盧登科下刻男盧顯祖揚祖巡漕監察御史張仲元巡按監察御

史蔡應桂居士馬應元陳仲元江南傳敷赤書

巡撫總兵

明陸容菽園雜記云各處巡撫銜名不同遼東曰贊理軍務各處總兵印文亦不同遼東曰征虜前將軍

明時額兵

萬曆三十五年巡按御史蕭□言往時遼兵十萬稱雄九邊自萬曆十九年閱視科臣侯克先查汰缺伍定爲經制兵僅八萬餉亦如之今全遼大營堪戰者少爲今之計莫急於補先年之額兵且以原設之餉補原額之兵庶進戰退守不借援而裕按是時遼兵日壞其後尙書李化龍又言邊兵止七萬餘除老弱外其精壯不過二萬有奇而散布於三大營兩協七參將十二遊擊二十五守備之間單弱已甚緩急何濟宜復其舊額召募勇敢屯據要害嗣按臣熊廷弼議募有馬壯軍萬人以備開原皆未克行蓋額兵無用徒糜餉饋且一官食數十百兵之餉不必私爲剋扣已費不貲故權緩急當識時務僅云足額而不精練仍與無兵同也

任宏嘉

任葵尊通政督學奉天革生童納金之陋習仁廟知之戲示百官曰

是蚩蚩者乃不識錢

大內尊藏

敬典閣上層供奉十代聖容凡十箱行樂圖四箱每春秋二分由陪京大臣恭晾太廟供奉冊寶凡六十四分敬典閣中層尊藏玉牒黃檔紅檔凡二百四十包寶十顆敬典閣下層尊藏玉牒黃檔紅檔凡一百包崇謨閣尊藏寶錄一千五百十三包聖訓三百八十包寶錄圖一匣老檔十四包又恭存列祖列宗所遺御用鞍轡弓箭腰刀鎗劍囊鍵

金王寂拙軒集

王寂字元老薊州玉田縣人登天德二年進士歷中都路轉運使卒諡文肅金史不爲立傳以寂所著拙軒集考之父礎亦進士歷奉聖州市判海州析木令定州唐縣令等官寂於大定十五年嘗奉使白雲治獄殆即定州今義州邊外其往還所著有柳城西聞蟬有感詩曰坡老放

歸舟繫汴驚聽驟鐸鳴北岸文公嶺外得京官照蝎壁間猶喜見我
今薄宦天一角適以平反叨使傳柳城西路忽聞蟬駐馬久之增感
歎臨歧淒咽固有意似對鄉人論牛面吾廬環水夏陰合聒耳長嘶
吾每倦安東地冷無此物所以相逢眷還眷晚風晨露汝易足何苦
叨叨聲不斷商胡遷客淚橫臆落日窮途方寸亂朱門砧杵快新涼
乞汝秋天從叫喚有宿錦州廣濟寺僧房臥屏一幅畫一綸巾羽服
隱几胡牀命短童汲水澆花若有所待者相望一翁桶帽涼衫倚杖
於溪橋之上意其眷戀風景而緩其行也迺賦二首詩云垂柳陰陰
晝日長野人無事自清涼祇應冷笑黃塵裏爲米癡兒有底忙溪橋
泉石想佳哉欲去遲遲首重回不道西莊閑處士胡牀虛左待君來
有題懿州寶巖寺壁雨竹詩云寧爲強項侯不作折腰吏羞對桃李
顏傷春泣紅淚有自東營來廣寧道出牽馬嶺西去路幾半里松檜
鬱然桃李間發問之云利器梁侯之先塋也其櫬尙附淺土遂命酒

哭奠而去公初待我以國士雖晚意少疎而恩禮未易忘也詩云九
仞終虧一篲功想知銜憤泣幽宮死生怒臂屈伸頃得失奕碁翻覆
中只有松杉全晚節不隨桃李嫁春風門生故吏知多少誰致生芻
奠此翁有覺華島并引云予自少時即聞遼東覺華島爲人間佳絕
處凡道經海上未嘗不駐鞍極望久不能去第簡書有期不得一到
爲恨大定乙未之秋仲月十有四日予自白霽審理冤獄歸投宿龍
宮下院謀諸老宿期一往焉老宿曰今秋風勁波浪洶湧雖柁工篙
子往來其間亦不免縮頸汗背當俟隆冬冰合如履平地然後可以
著鞭耳予竟不聽明日登舟行未幾半風濤掀簸舟人爲之變色於
是收帆弭楫維石於北渡予歎曰此而不濟則命也迺割牲醢酒投
詩以禱之遂復鼓柁以進已而風停浪靜天水湛然極目萬里恍然
如坐大圓鏡中指顧之間已登彼岸舟僧詢大德者謂予曰正直動
山鬼詩句起螿龍者信不誣矣予笑曰如二公者千古仰之猶太山

北斗豈庸人末士所可擬哉是必憐其勤而報以誠也不然則劉昆
所謂反風滅火蝗不入境者皆偶然耳雖然此一段奇亦不可不紀
也詩云宮亭湖神感且通往來送客能分風廣德王祠禱輒應重樓
翠阜浮霜空我行擬上覺華島香火遍走青蓮宮中流未濟成齟齬
船頭西向旗角東雲奔霧湧白浪捲一葉掀舞洪濤中平生行止類
如此憑仗願有信與忠嘗聞主海尊位置顧豈變化難爲功指呼蛟
蜃掃陰翳天水萬里磨青銅解維轉柁飽帆腹雙槳不舉迫驚鴻茲
遊政要償素願勿使坐歎詩人窮投文再拜瀝微懇爲我寄語白龍
翁又有賦高晦之李仲佐二詩敘其高敘云天德辛未家君守官白
雲僕是歲登上第交遊飲博皆一時豪俊於今二十六年矣適以審
刑復來留數日故人高晦之以舊見訪問當時所與遊者往往鬼錄
高本富家今貧甚僕向最年少今老矣感歎久之爲賦詩以自遣贈
李敘云李仲佐遼東之豪士也初識於大元帥席上怪其議論英發

坐客盡傾至於通練世務商較人物雖博學老儒或有所不及僕喜其爲人臨分以二詩贈行且將以爲定交之券也皆足補金史之缺而備遼東山川人物之掌故也

北盟會編所載人物

侍從梁球廣寧府人石琚榜下及第亮時爲戶部尙書葛王立復爲戶部尙書極有才張恭愈字師韓廣寧府人狀元孫用康榜第二人及第張汝霖字仲澤遼陽人太師浩之子亮時特賜及第尋復正奏名及第亮時在翰林院葛王立遷吏部尙書兄汝爲字仲宣浩之長子石琚榜及第葛王立貶爲庶人次年復官除戶部侍郎張景仁字壽寧廣寧人劉仲淵榜別試及第久在翰苑葛王立除翰林侍讀學士楊伯雄咸平府人狀元劉仲淵榜及第葛王立除翰林直學士

元遺山集所載人物

王黃華碑庭筠三十二代祖烈漢末居遼東子孫散處東夷十七代

孫文林仕高麗爲西部將歿於王事又八世曰樂德居渤海以孝聞東丹王都遼陽樂德曾孫繼遠仕爲翰林學士因家遼陽繼遠孫中作使咸飭避大林延案應作大延琳之難遷漁陽孫六宅使恩州刺史遷白

醫生永壽居韓州遼天慶中遷蓋州之熊岳縣遂占籍焉

胡公景崧碑同知遼東路轉運使事本路稅額以牛頭徵者數積百萬石多有名無實無所從出而重爲主典者之累公躬自閱實無有欺抑者凡椿配之數悉從蠲貸所在倉官坐傷耗而礙銓調者率以新官代之

內翰馮公碑調遼濱主簿縣有和糴粟之未給價者十萬餘斛散貯民居而以富戶掌之有腐敗者則責償於民歲旣久官吏囊橐爲姦民殊以爲苦公白於漕司即日還之一境稱快

順安令趙公碑遷懿州順安令過廣寧愛其山水清美姑留寓焉贊皇夫人姓梁氏廣寧人曾大父忬遼祕書監弟援某朝宰相世爲

閭山甲族

耶律公思忠辦才東丹八世孫考履明昌初尙書右丞兩代三人均葬義州弘政縣東南

恆州刺史馬君慶祥出於花門貴種遷遼東因家焉

京兆推官康公碑遼制罷文資之注酒使副者純用任子且增內廷供奉臺保直之目凡歷監當久及課最者得他遷謂之出職

康德璋世爲遼陽人曾祖某澄州刺史祖斌天會中進士咸平路轉運副使

完顏懷德碑父習捏驃騎尉上將軍義州節度副使葬宏政之宏山劉光謙字達卿潘州人泰和三年進士

潘故卷四